

A O mafuaaga o le faafetai ma tatalo i le tusi na avatu i tagata Filipi:

❖ **Mafuaaga o le agaga faafetai (Filipi 1:3-8)**

- Na amata e Paulo lana tusi i lona faafetai atu i le Atua mo le au faatuatua i Filipi (Filipi 1:3), o e sa ia alofa faapelepele i ai (Filipi 1:8).
- E pei lava ona la'eiina e le faitaulaga sili i luga o lona ufifatafata, i tafatafa ane o lona fatu, o igoa o ituaiga uma o Isaraelu ua taina lea i maa-taua pe a tula'i o ia i luma o le Atua, na tauaveina foi e Paulo "i lona loto" o sui taitasi uma o le ekalesia pe a ia tula'i o ia i luma o le Atua i talosaga e aoi atu ai mo i latou (Filipi 1:7).
- O lona agaga faafetai e aofia ai le tulaga e faapea na tumau lava le faamaoni o tagata Filipi i le talalelei, ma sa faaatoatoaina i latou e le Atua i aso uma (Filipi 1:5-6).
- O le mafuaaga lona tolu o lona agaga faafetai ona sa faatasia tagata Filipi i lona loto "i ona noanoataga, ma le faatonu atu, atoa ma la'u faamaoni atu i le talalelei" (Filipi 1:7).

❖ **Talosaga molia (Filipi 1:9-11)**

- E mafai ona tatou manatu i le faaosofiaina o tatalo a Paulo o se "mafuaaga noanoatia" (Filipi 1:9-11):
 - (1) Ia tupu tele le alofa ia te outou
 - (2) O le a atili ai ona outou atamamai
 - (3) O le a outou iloaitino ai le mea sili
 - (4) O le a outou mamā ma fai mea sa'o
 - (5) O le a outou fua mai e ala ia Iesu Keriso
 - (6) O le a maua ai le mamalu ma le viiga mo le Atua
- E mafai faapefea e lo tatou alofa ona "faatuputeleina pea lava pea?" Aisea e taua tele ai lea mea mo le olaga o le Kerisiano?

B Tatalo ma avatu le faafetai i taimi faigata (Filipi 1:12-18)

- ❖ Ina ua iloa e tagata Filipi o loo faafalepuipuiina Paulo i Roma, sa matua mafatia lava i latou, ona latou auina atu lea o Epaferoti ma ni mea-alofa e fesoasoani i le aposetolo (Filipi 4:18).
- ❖ Nai lo le loto mafatia, na faafetai Paulo i le Atua i le faafalepuipuiina o ia. Aisea e avatu ai le faafetai? Ona o lenei le auala na ia mafai ai ona talai atu, semanu o le a le mafai lava ona ia oo atu i ai (Filipi 1:13).
- ❖ E le gata i lea, o uiga vaaia o le aposetolo, na faalaeiauina ai isi o le au uso faamaoni, ma amata ai ona latou tala'i atu le talalelei e tusa lava poo a ni faigata e aofia ai (Filipi 1:14).
- ❖ O isi, na manatu o le tautala faalauaitetele atu e uiga i le talalelei o le a aumaia ai ni faigata ia Paulo, sa fesoasoani foi – e aunoa ma le iloa – e faasalalauina lava (Filipi 1:15-18).

C O auala na avatu ai le faafetai ma tatalo i le tusi i tagata Kolose:

❖ **O mafuaaga o le agaga faafetai (Kolose 1:3-8)**

- O le toe ta'ua o upu o le 1Korinito 13:13, na faafetai atu ai Paulo i le Atua ona o loo i nei tagata Kolose ni uiga lelei faa-Kerisiano se tolu: faatuatua, faamoemoe, ma le alofa (Kolose 1:4-5).
- O nei uiga lelei e puna mai ia "Keriso Iesu," e aafia ai lo tatou sootaga ma le "au paia uma," ma ua faasoaina mai i a'i tatou e ala i le "upu moni o le talalelei".
- O loo faamamafaina mai e Paulo e faapea o lenei talalelei e le na'o mo tagata Kolose ua talaiina atu i ai, ae "i le lalolagi uma" (Kolose 1:6)... Ma i le na o le 30 tausaga!
- O le mana o le Atua, lea ua faasoaina mai e ala i le talalelei mai i le galuega a le Agaga Paia, ua avea ai le Tusi Paia "o le upu o le ola" (Filipi 2:16). O lona uiga, e ala i le taliaina o le talalelei, ua tatou maua ai le ola e faavavau ma se tofi ua "teuina mo i tatou i le lagi" (Kolose 1:5).

❖ **Talosaga molia (Kolose 1:9-12)**

- Na aofia i le talosaga molia a Paulo le tele o mea lelei mo Kolose (Kolose 1:9-11):
 - (1) Ia mafai ona maua e i latou le poto o le Atua, lea o le a tuuina atu ai i a'i latou le atamai, ma le malamalama faale-agaga
 - (2) Ia ola o ni fanau a le Atua, ia faafiafiaina ai o ia i ala uma
 - (3) Ia mafai ona fua mai ma tuputupu a'e i le poto
 - (4) Ia mafai ona faamalosi i latou i le mana o le Atua ina ia maua e i latou le onosai
- O lenei tatalo na faia "e avatu ai ma le olioli le faafetai i le Tama" (Kolose 1:12).
- E fa ni alaleo o loo faaagaina e le Atua ina ia avea le tatalo a Paulo ma mea moni i a'i tatou:
 - (1) O le Tusi Paia (Salamo 119:105)
 - (2) O le agaga o valoaga (Faaaliga 19:10), na faaaliga mai e ala ia Elena Uaita
 - (3) O le taitaiga a le Atua (Kolose 4:3)
 - (4) O le Agaga Paia (Isaia 30:21)